



2018 yil 07 ” август № 406

Farg'onah shahri

**Ўзбекистон Республикаси Вазирлар Маҳкамасининг 2018 йил  
2 августдаги “Ғўза парваришида юзага келган мураккаб  
вазиятнинг салбий оқибатларини бартараф этиш ҳамда  
ҳосилга ҳосил қўшишга доир қўшимча чора-тадбирлар  
тўғрисида”ги 613-сонли қарори ҳақида**

Жорий йилда ғўза вегетациясининг бошлиғич даврида об-ҳавонинг қуруқ ва салқин келиши ғўза парваришида ўта мураккаб вазиятни юзага келтирди ва вилоятда ғўзанинг ривожи 12-14 кунга кечикди.

Жумладан, Фарғона туманида ғўзанинг ривожи ўртача 8-10 кунга, Тошлоқ, Кўштепа, Қува ва Ёзёвон туманларида 10-14 кунга орқада қолмоқда.

Шу билан бирга, агротехник тадбирларни муддатида амалга оширилмаганлиги оқибатида қуидаги ҳолатлар кузатилмоқда:

**биринчидан**, ривождан орқада қолған майдонларга қўшимча агротехник тадбирлар - культивация, чуқур юмшатиш ишлари тўлиқ ўтказилмаганлиги оқибатида қолоқ майдонлар Кўштепа туманида 638 гектарни, Боғодод туманида 440 гектарни, Фарғона туманида 348 гектарни, Бешариқ туманида 705 гектарни ва Ўзбекистон туманида 592 гектарни ташкил этмоқда;

**иккинчидан**, Боғодод, Бувайда ва Данғара туманларида иккинчи суғориш тўлиқ ўтказилмаганлиги сабабли айrim ғўза майдонлари чанқатиб қўйилган. Ушбу туманларда шарбат усулида суғоришга етарли эътибор қаратилмаган;

**учинчидан**, ғўза зааркунданалариға қарши кураш ишлари тизимли ташкил этилмаганлиги сабабли Ёзёвон ва Боғодод туманларида 540 гектар майдонга кўсак қурти ғўза ҳосилига сезиларли даражада зарар етказган.

Бундан ташқари, Олтиариқ, Риштон ва Учкўприк туманларида ғўза майдонлари ўргимчаккана билан заарланишига йўл қўйилган.

Вилоятда ғўза парваришида юзага келган фавқулодда ҳолатнинг салбий оқибатларини бартараф этиш, ривожланишда орқада қолган майдонларда қўшимча агротехник тадбирларни амалга ошириш бўйича 2018 йил 31 июль куни Ўзбекистон Республикаси Президенти

Ш.М.Мирзиёев ҳузурида ўтказилган видеоселектор йиғилишида берилган топшириқлар ҳамда Ўзбекистон Республикаси Вазирлар Маҳкамасининг 2018 йил 2 августдаги “Ғўза парваришида юзага келган мураккаб вазиятнинг салбий оқибатларини бартараф этиш ҳамда ҳосилга ҳосил қўшишга доир қўшимча чора-тадбирлар тўғрисида”ги 613-сонли ижросини таъминлаш мақсадида

### Қ А Р О Р Қ И Л А М А Н:

1. Ўзбекистон Республикаси Вазирлар Маҳкамасининг 2018 йил 2 августдаги 613-сонли қарори раҳбарлик ва ижро учун қабул қилинсин.

2. Барча туманларнинг 4 та сектор раҳбарларига ғўза парваришида агротехник тадбирларни белгиланган муддатларда ўтказиш, шунингдек, ривожланишда орқада қолган майдонларда қўшимча агротехник тадбирларни белгилаш ва амалга оширишда жиддий хато ва камчиликларга йўл қўйилаётганлиги кўрсатиб ўтилсин.

3. Ғўза парваришида жиддий хато ва камчиликларга йўл қўйганлиги, мавсум давомида хотиржамликка берилиб, агротехник тадбирларни белгиланган муддатда тўғри ташкил этмаганлиги, ўз хизмат вазифаларига совуққонлик билан қараганлиги сабабли Боғдод (туман ҳокими С.Зокиров, туман прокурори О.Собиров, туман ички ишлар бўлими бошлиғи А.Сотиболдиев, туман давлат солиқ инспекцияси бошлиғи F.Юсупов) туманининг 4 та сектор раҳбарлари эгаллаб турган лавозимидан озод этилганлиги маълумот учун қабул қилинсин.

4. Ғўза парваришида юзага келган фавқулодда вазиятнинг салбий оқибатларини бартараф этишга қаратилган агротехник тадбирларни ўз вақтида ва сифатли амалга оширилишини тизимли ташкил қилиш асосида кафолатланган пахта ҳосилини яратиш мақсадида жорий йилнинг 5 сентябрига қадар вилоятда “Ғўза парваришида зарборд 40 кунлик” эълон қилинсин.

5. Вилоят ҳокимининг ўринbosари Ш.Тешаев, вилоят прокуратураси, Ички ишлар бошқармаси, Давлат солиқ бошқармаси, туманлар 4 та сектор раҳбарлари, фермерлар, сувчилар ва механизаторларнинг 2018 йил 5 сентябрга қадар доимий равишда далада бўлишини таъминлаган ҳолда “Ғўза парваришида зарборд 40 кунлик”да:

ғўзани 5 маротаба (август ойида 4 маротаба, сентябрь ойида 1 маротаба) культивация қилиш;

ўсимликнинг ўсишини бошқарувчи ва қўшимча ҳосил олишни таъминловчи биостимуляторлар билан камида 2 марта ишлов бериш;

ғўза зааркунандаларига қарши биомахсулотларни далага чиқариш, ўргимчаккана, кўсак қурти ва беда қандаласи тушган майдонларда кимёвий ишлов ўтказиш;

ғўзани камида икки марта фақат шарбат усулида суюришни ташкил қилиш, тунги суюриш ишларини алоҳида назоратга олиш;

жорий йилнинг 10 августига қадар барча ҳудудларда ғўзани чеканка қилиш ишлари сифатли ўтказилишини ташкил этсинлар.

6. Ички ишлар бошқармаси, туманлар ҳокимликлари билан биргаликда “Механизаторлар уйлари”га бириктирилган ички ишлар ходимларининг масъулиятини оширган ҳолда “Ғўза парваришида зарбор 40 кунлик”да механизаторларнинг доимий равишда далада бўлишини, ишни ҳар куни “топшириқ-хисобот” тизими асосида самарали ташкил этилишини таъминласин.

Туманлар ҳокимлари “Механизаторлар уйлари”да механизаторлар учун ётоқ жой, иссиқ овқат ва бошқа зарур шароитларни яратиш учун масъул этиб белгилансин.

7. “Агрокимёхимоя” ХАЖ, Йўл ҳаракати хавфсизлиги бош бошқармаси, туман ҳокимликлари билан биргаликда мавжуд ОВХ агрегатлари ва қўл аппаратларини отрядларга бириктирган ҳолда, биринчи навбатда ғўза заараркунандалари ўчоғи бўлган майдонларга кимёвий ишлов беришни, шунингдек, август ойида ғўза майдонларига икки марта тўлиқ биостимуляторлар билан ишлов беришни куннинг кечки пайтида “топшириқ-хисобот” тизими асосида ташкил этсин.

Ўзбекистон Республикаси Бош прокуратураси ҳузуридаги Агросаноат мажмуи ва озиқ-овқат хавфсизлиги таъминланиши устидан назорат килиш инспекцияси вилоят бошқармасига “Механизаторлар уйлари”да барча шароитларнинг яратилиши, культиваторлар ва бошқа механизмларнинг “отряд” усулида ишлаши тизимнинг ишлаши устидан тизимли назорат ўрнатиш тавсия этилсин.

#### 8. “Сирдарё-Сўх” ИТҲБ:

ҳудудий сув хўжалиги ташкилотлари ходимларини ғўзани суюриш учун фермер хўжаликларига номма-ном бириктирсин. Бунда:

мавжуд сув ресурсларини оқилона тақсимлаган ҳолда ғўзани яна икки марта шарбат усулида суюришга;

етказиб берилган кўчма эгилувчан қувурлардан самарали фойдаланишга, сув таъминоти оғир майдонларни сув билан таъминлашга;

сувчилар учун барча зарур шарт-шароитларни яратишга, навбатлаб суюриш тизими жорий этилишига ва тунги суюришга алоҳида эътибор қаратилсин.

9. Туманларда “Ғўза парваришида зарбор 40 кунлик”да ғўза парвариши бўйича амалга оширилаётган ишларни ўрганиш ва амалий ёрдам бериш бўйича вилоят ишчи гуруҳи таркиби иловага мувофиқ тасдиқлансин.

## **Вилоят ишчи гуруҳи:**

туманларда “Ғўза парваришида зарбдор 40 кунлик”да ғўза парвариши бўйича ушбу қарор билан белгиланган агротехник тадбирлар бажарилишини контурма-контур ўрганилишини ташкил этсин;

ҳар бир ҳудудни ўрганиш натижалари бўйича вилоят ҳокимлигига ёзма ахборот киритиб борсин.

10. Фаргона телерадиокомпанияси ва “Фаргона ҳақиқати” газетасига “Ғўза парваришида зарбдор 40 кунлик” давомида амалга оширилаётган ишлар, жумладан йўл қўйилаётган хато ва камчиликлар ҳақида маҳсус кўрсатувлар тайёрлаш ҳамда оммавий ахборот воситаларида ёритиб бориш тавсия этилсин.

11. Мазкур қарорнинг ижросини назорат қилиш вилоят ҳокимининг ўринбосари Ш.Тешаев зиммасига юклатилсин.

**Вилоят ҳокими**

**Ш.Ғаниев.**



Вилоят ҳокимининг  
2018 йил “      ” августдаги  
—сонли қарорига  
илова

**Туманларда “Ғўза парваришида зарбдор 40 кунлик”да ғўза  
парвариши бўйича амалга оширилаётган ишларни  
ўрганиш ва амалий ёрдам бериш бўйича вилоят  
ИШЧИ ГУРУХИ ТАРКИБИ**

№	ФИШ	Лавозими
1	Ш.Тешаев	Вилоят ҳокимининг ўринbosари, <b>ишчи гурӯх раҳбари</b>
2	О.Хожиматов	Қишлоқ хўжалиги бошқармаси бошлиғи, <b>ишчи гурӯх раҳбари ўринbosари</b>
3	Келишилган ҳолда	Вилоят прокуратураси бўлим бошлиғи
4	А.Рахматуллаев	“Сирдарё-Сўх” ИТҲБ бошлиғи
5	А.Азизов	“Агрокимёҳимоя” ХАЖ директори
6	Б.Касимов	“Фарғона пахта терминали минтақавий филиали” АЖ раҳбари
7	И.Валиев	Ветеринария бошқармаси бошлиғи
8	З.Тўйчиев	“Фарғона Нефт база” МЧЖ раҳбари
9	А.Азимов	“Агробанк” АТБ вилоят бошқармаси бошлиғи
10	М.Юнусов	“Агросервис МТП” МЧЖ раҳбари
11	Э.Эркаев	“Агролизинг” АЛК вилоят филиали раҳбари
11	К.Юлдашев	Бешариқ ПТЗ раиси
12	А.Рахмонов	Боғдод ПТЗ раиси
13	А.Эралиев	Қува ПТЗ раиси
14	К.Қозихонов	Риштон ПТЗ раиси
15	И.Тошпўлатов	Тошлиқ ПТЗ раиси
16	И.Камилов	Ўзбекистон ПТЗ раиси
17	Ш.Зокиров	Қўқон-2 ПТЗ раиси





